

آبونه شرائطی

داخلی ، خارجی هربر ایچون
سنه لکی (۲۵۰) ، آلتی آسانی
(۱۳۰) فروشدر .

لسخه سی ۱۰ فروش ،
سنه لکی ۵۲ لسخه در

اداره خانه
باب عالی جاه سنده دائره مخصوصه
اخطارات

آبونه بدل بشیندر

مسئله مواهن آثار مع المارینه
قبول اولنور . درج اولین
بازیر اطاده اولونماز

کتابخانه

۱۳۳۰

دینی ، فلسفی ، علمی ، ادبی هفته لاق مجموعه اسلامیه در

باش محرر صاحب و مدیر مسئول

واقعه یهدی مع یشاء الی صراط مستقیم محمد عاکف اشرف ادیب

انبیاءون اهدکم سبیل الرشاد

عدد : ۷-۶۰۶ ۱۶ رجب ۱۳۳۷

پنجشنبه

۱۷ تیرسان ۱۳۳۵

جلد ۱۶

اخطارات

ادرس تبدیلنده آبریمجه بش
فروش کوندردلایددر

مکتوبلرک امضالری واضح
وارقوناقل اولسی و آبونه صره
نوسروسی محتوی بولنسی لازمدر

مالک اجنبیه ایچون آبونه
اولانلرک آدرسلرینک فرانسه
جوده یازلسی رجا اولنور

پاره کوندردلایدکی زمان نهیه دائره
اولدیغنک واضعاً ییلدیرلسی
رجا اولنور

اطاله کلامدن منع ابتدی. باخصوص بر مسئله بی تصویر ایدن کیمسه نك اون ایضاح ایچون مبالغه کار بر صورت التزام ایدرسه بونی ادراك واحاطه به عوامك عقلی مساعد اولمیدن تشوش فکریه سبب اوله. بیه چکی ده سوزی اوزاتقی مانع سنی قوتلندیردی.

جمهور ناسدن بر قسم مخصوصك کوروب ایشدکرینی تقلیدده ثبات کوستردکرینه کلنجه: بونلر عقلاً و منطقاً اولجه بر شیک دلیلی تحری وادراك ایدوب قناعت حاصل ایشدکدن صکره اوکا اعتقاد ایدك وجوبندن انحرافله تقلید مرضیه ابتلا اثری اوله رق اوله بر شیهه دلیلسر اعتقادی، صکره اوکا دلیل تحریقی مسلك اتخاذ ایشلر و پیدا ایلدکری اعتقادله موانق اولیان فکر و برهانی تحری ایتهمه بی، اعتقاد دلریه مخالف بر شیک ولو مدلل اولسون ایانی حالده عدم قبولی و بلکه اوله بر قائل ذی دلیل معنادنه مقاومت ایتهمی مسلكارینك تمه لوازمندن عد ایتکده بولمشلردر. هر نه قدر اولنلرک بو کیدیشلری، عقلک کافه مقتضیاتی انکار دیمک ایهده اکثریتی اوله بر شیشی اعتقاد، صکره استدلاله منمکدر.

ایچلرنده استدلالی اعتقاد تقدیم ایدنلر آزدر.

اگر اولنلر اعماق درونلرندن یا کاش بوله صامق، فنا شیدر، بو حرکت، اللهم مخلوقی اوزرنده جاری قانون فطریته امتثالندن انحراف ایتک ورشد و هدایت سبب اولان مشروع بولارینی تنبیه قالدششق دکلیدر؛ یولنده برهاتف، ندا ایتسه تمسک ایلدکری فکری تعدیل ایتلری ایچون ینه کندیلرنده بر او یاغلق حاصل اولماز، مألوف بولندقلری مسلكده نباتی؛ احتیاج مطلق صامق کر یوه سنده قالمی سکون واطمئنانله ترجیح ایدرلر.

بز بومبجشده آنحق عقل و شرعك مساعد اولدینی احکام نظریه بی سرد واتیان ایلدك. لاحول ولا قوة الا بالله العلی المظیم.

مترجمی: حسین مظهر شیخ محمد عبده

دار الحکمة الاسلامیه نك مهم برصراجهتی

مضمر سامی مناب مشیخناهی

معلوم سامی جناب مشیخناهیلری اولدینی اوزره دهاترقی ردها قوی الشکیمه ظن اولان بعض دولتلرک یالکز بنیان سیاسیلری دکل، بنیان اجتماعلری بیه بر ایکی بطن ایچنده هدم ایتکک کافی کان حادثات عظیمه نك صدماته قارشق دولت علیه عثمانیه عصرلردن بری مجاهده مجبوریتنده بولمش و بوزدن نیجه نیجه احتیاجات ایچنده قالمش اولدینی حالده ینه قیمتی بر منات روحیه و صلابت اجتماعیه ابراز و اثباتندن بروقت محروم اولمامشدر که بو دولت وسائط مدنیه نك نقصانه رغما بو روحی، بونیان اجتماعی اس معنویاتی اولان دین اسلامه و فقدان

اهتمام ایلر برابر اهل اسلامك قبلرنده آز چوق جای گیر اولمش بولان نفسی و اخلاقی مبنالره مدیوندر.

موازنه سعادت عالمده اسلامك وبالخاصه دولت علیه عثمانیه نك صلاح ویا عدم صلاح نقطه نظر لرله مبسوطاً متناسب دائماً مثبت ویا منفی بر تأثیر مهمی سائر اولدینی تاریخ کبی وقایع اخیره دخی بر دوران منتظم ایلر اثبات ایده جکدر. بو دولتك صلاح روحانی و جسمانی معنوی اولدینی عناصر سیاسیه نك صلاحنه، بویسه عنصر اسلامك اخلاقاً، اجتماعاً، سیاست صلاح کاملنه وابسته اولمسنه. نظراً عنصر اسلامی باطنندن افساد ایده جک و بنیان دینی و اجتماعینی تقلیب و تبدیل سوداسنه دوشه جک امانی به اغراض عین ایلرک بتون بشریته ساری جنایات عظیمه به اغراض عین ایلرک دیمکدر. قابلیت استمثالیه سی قابلیت تمثلیه سندن جوق فضله اولان اسلامك صلاح و اصلاحی ایه روح و قلبندن اوفله به جک بر نفخه محمدیه ایلر قائمدر. اسلام بنیان روحی و اجتماعیه بر زمرة بشرک بعض تمایلات عاجله روزمره سندن منبث ارادت و احتیاضات قویه محصولی اولان موضوعات قاصریه دکلر، بتون بشریتك فطرت صافیة اصلیه سی مقتضیاتی و بالجمله آرا و منافع مختلفه نك محصله سی و نوع بشرک مسالت عامه و مسعودیت کالیه سی غایه سی اعتدال ایلر تعقیب ایدن قوانین کالیه حقیقیه به ایقنا ایش و هپسینی دستور وحدت خالقه باغلامش اولمقله هروجه ایلر افراط و تفریط آراسنده متوسط بر موقی حازدیر که بو ماهیتندن بعضاً انحرافه سوق ایده جک اسباب ظاهره کورولسه بیه عدم انحرافه مجبور ایده جک داها مهم اسباب دائماً وجودینی محافظه ایلر.

حیاتی وظیفه دن، وظیفه ایچون مجاهده دن عبارت بیان و ترقیات اجتماعیه نسبتنده وظائفک تزیید و تکثیرینه قائل اولان اسلام حریتی تطمین شهوات و ادبسنده حرب وجدال ایچون سربازلق تلقی ایچوب اجرای وظیفه ده تحکم اغیاردن آزاده لك ماهیتنده کوره رک بولون وجهه تحولاتی شئونات متجدده ایچنده بر سرباقیه جویرمک لزومی ایمان ایلددر. بو ایمانی فساد اوغرایان بر مسلمانك جمعیت بشریه ایچنده خیره توجهی ایچون ضمان بولاق محال کی در.

وجدان اسلامك خواص مجزه سندن بری معروف اولان اوامر شرعییه محبت و مطاوعت، بدع و منکرانه قارشق فعلاً اوله مازسه قولاً، بوده اولمازسه قلباً انص و مقاومت ایتکدر که اهل اسلام بودرجات ثلاثیه مرتبه ایمانه، مصالح و منافع عمومیه نك ایجابانه کوره ابرازدن خالی کاله ماز. مرتبه ثامه حقنده اضیف ایمان بو بوردینی ایچون داها آشاغیسی دیندن خروج ایلر متلازم عد ایدر. وجدان اسلام حادثات حیاتیه سی هب بو نقطه نظرندن تحویل و تمایسه به آیشمش و ادبسنده محیطنه قارشو محبت و نفرت بیه ملک اعتیادینی قازانمشر. بو اعتیاد ایلر اهل اسلام محبت بیه بیلدیکی هیئت سیاسیه اطرافنده هر نوع ترقیات علمیه و مدنییه قوجانلاق ایچون بتون فدا کارانی اختیار ایده بیلدیکی حالده دائماً بغض و نفرت بیه ملک مجبوریتی حسن

حاجت اولیوب مرکز خلافت سنیہ نیک سپاہی اخلاقی واجتماعیہ کی کوزدن یکیرمک کفایت ایدہ جکدر .

بنای اجتماعی اسلام اوقات خمسہ صلات جماعت ایلہ ناموس مائلہ دن باشلار . فضائل اخلاقی اسلامیہ ایستہ محبت اللہ و محافہ اللہ ایلہ حیانت تحت ضامنہ در حال بوکہ ترقی و تجدد نامیلہ اسلامہ اوزانمقده اولان دست تطاول بونلرہ قدر تندی ایتک ایستہ مشدر . حرب تیارو بنالریک فعالیت اخلال ایتک ایستہ مدیک حالہ مدارس ، مساجد ، جوامع و سائرہ کی محال مقدسہ نیک فضولی اشغالری ، تخریرلری ، حق بعضاً ہمدلری اللہ کیزلہ ن معنای التزام برچوق محلہ لردہ مسلمانلری معبدسز برافقہ و جماعتہ مداومت اعتیادینک تنزل لہ باعث اولمش و بوکون بو تخریراتی تسمیر ایتک ایچون لازم کان وسائط مالہ برچارہ تضمین بولمازسہ تدارک ایدیلہ بیہ جک درجہ واصل اولمشدر .

سوق احتیاج واضطراب ایلہ طبقہ جاہلہ نیک معروض اولدینی سقوط اخلاقیہ جارہ تحریر اولونہ حق یزده بواحتیاجدن ازادہ و حق تعلیم و تحصیلہ دلدادہ اولان شبان و نسوانک روحلرندن صنہی تدبیرلر ایلہ آب حیاتی سیلمک ایچون فوق العادہ غیرتلی کوسہ تریلمکدہ و ہر یردہ (اذالم تسنجی فاصنع ماشئت) سری تجلی ایلیمکدہ در . بوسقوطک نہ سقبل بر مرتبہ یہ کلدیکنی کوسترمک ایچون سواقا لردہ قضای حاجت لا ایلدیکنی کافی بر شاہددر .

بر طرفدن دین اسلامک ترویج و تسہیل ایلدیکنی امر نکاحک تحدید و تضییق آدیملری آتیلیرکن دیگر طرفدن حیات فردیہ واجتماعیہ دہ مضرات الہیہ سنی بیلہ رک یک زیادہ تحذیر ایلدیکنی فواحشک تشکیث و تزیید اسبابہ رواج و یرلمکدہ بولمشدر . مقدما انظار اجانبدن محفوظ طبعی و عفتک وقار و جدیتی سایہ سندن ہر طرفدہ علویت روحیہ سنہ حرمت استدیہ رک مسمود پاشایان اسلام قادینلری جاہلیت اولایہ ارتجاع ایچون تبرج جاہلیہ سوق اولہرق تذلیل و محافل و مجامعہ بازده احتراض اولمق درکہ سنہ تنزیل ایدلشدر . بو حالک احتیاج زماندن دکل ، مؤسسات علمیہ یہ قدر صوقیلان بعض تسویلات صنعیدن لشتت ایلدیکنہ مطبوعات محتاجندن بعضیلری یک ابی شاہد اولہ بیلیورلر .

افکار و حسیات عمومیہ ہیچ کوزہ دلیہ رک انخان ایدیلویورن بعض خصصہ وصی قرارلر ، استبدادی آرزولر نتیجہ سی اولہرق بوکونہ قدر حدونہ کن حادثات سیشہ بالکز ملکتمزده دکل ، بوتون دنیا اوزرنده فنا انطباعرلر حصولہ کتیرمش و تورکارک ترقی نامنہ بابدقلمری یکانہ شی قادینلری تزیلدن عبارت اولدی دیدیرتمشدر .

اسلامدہ طلب علوم نافعہ ذکور و اناث ایچون بروجیہ اولور حیثیتلہ مسلمانلرک دخی دواندن کرک ذکور ، کرک اناثلری نامنہ علوم و معارف مؤسسہ لری ایستہ مکہ البتہ حقلمری واردر . فقط بومؤسسہ لر اولہ بر ساحہ نی ، اولہ بر روح تربیہ نی حائز اولمبدلرکہ اورالردہ مسلمان اولادلری بوتون روحلہ یوکسلمک غایہ سنی تعقیب ایتلی و حسیات نجیبہ لری افساد دکل ، اصلاح اولنلی و بناء علیہ الک

ایلدیکنی برہیت سیاسیہ نیک اطرافندن داغیلمنہ و روح اصلینک ممکن اولدینی قدر محافظہ سی ہاسندہ جارہ لر تحریرسنہ باشلامق ایچون بر میل وجدانی دویار . ایستہ ادارہ اسلام ایلہ قائم برہیت سیاسیہ ایچون حکمت حکومت بومبدادن باشلار .

دولتک تاریخ ترقی و تندیسی کوزدن یکیریلیر و بونلردن متحصل تجارہ عظامت اہمیت ایدیلیرسہ کوریلیرکہ تندیاتمز ہب روح ملنک تبدیلنہ دوعرو بوریہن حرکات ایلہ مبسوطاً مناسب کتمشدر . بزى الک جوق خراب ایدلر الک جوق قاریشدر برق و دکیشدیرمک ایستہ یئلردر . ہر دولت و ملنک محفوف اولدینی محیط مدینتدن اقتباسی واجب برچوق وسائل ترقیسی واردر . املرک احوالہ احالہ نظر ایلہ عبرت آلمق ، منظم اولمق و ایجابنہ توفیق حرکت ایتک کتاب دینرک اوکر تندیکی اساسندن بولونمق حسیلہ احتیاجات حقیقیہ نیک تدابیری ایچون الزم تجدد اندہ دینرک نصب دکل ، تمسک و تثبت امر ایلش و اصلاحات تشبہاتنک بر چوغندہ دولت ابتدا دینک تشویقہ استناد ایتش ایکن نتائج اصلاحات و تجددانندہ الی نہایہ اساسات روحیہ واجتماعیہ منزله ایستلافہ دوام لزومندن علی الا کثر ذہول ایلمش و ادوار اخیردہ اولدینی کی بوزہولک قصد و ارادہ یہ اقتضائی ایلہ متناسباً سقوطہ حکوم اولمش و ہلہ بعض ارباب ہوسک روح دینیہ قارشى آج دینی مبارزات تسویل کارانہ ایلہ صارصیلہ صارصیلہ شمدیکنی حالہ کلشدر .

ادیان ایچندہ اسلام الک سہاحتکار ، الک حریت پرور بردیندر ، حریت وجدانی اسلام قدر انکشاف ایتدیرمش بردین و وطن عثمانی کی سینہ سندن برچوق ادیان و مذاہب متسو بینتی سرست پاشامش بروطن کوستریلہ منزہ اسلام بر فردی الک بسیطہ الک ظاہری بر عقد ایلہ ، بر کلمہ توحیدی اقرار ایلہ عائلہ اجتماعیہ سنہ قبول ایلش و آنجق بر خیانت فلیہ و یا قولہ سیلہ سیئہ باطنہ سنی اظهار ایدلری رد ایلک حقنی محافظہ ایتشدر . بودستور حریتدن ، بوسماحت شاملندن بالاستفادہ حریم اسلامدہ نفاق ایلہ باشان فردلر ، زمزمہ لر عصر سعادت پیغمبریدن بوآنہ قدر بولونمش و کتاب عظیم الشان بونلرک اوصافی طایتتمشدر . بو کیلر حقیقتدہ اسلام دکل ، جدی بر انسان بیلہ اولمدقلمری حالہ دین بونلردن حقوق انسانیت و اسلامیتی دریغ ایتہ مش و حال بوکہ بونلر دائما فرصت بولدقجہ ضرر اسلامی منفعت و غنیمت عد ایتمکدن چکیمہ مشلردر . تاریخدہ حکومت اسلامیہ نیک بوتون تزللات اصلہ سی واضطرابات داخلہ سی ہب بونلرک یوزندن اولمشدر . صولک زمانلردہ اسلامک ترقیسنہ خدمت بہانہ سیلہ روحی عاداتا احیایہ دوعرو بول آلمق ایستہ یں بوقبیل بعض جریانلر حادث اولمشدرکہ بالخاصہ ہنکامہ حربدہ بونلر مملکت ایلہ دینی واجتماعی حروب داخلہ یہ کرمی و یرہ رک قلب اسلامی یک زیادہ جریحہ دار ایلمشدر . بوجریحہ لری اکلامق ایچون طشرہ لردن پیدری التقدہ بولونان محررات و اخبار مندرجاتی ایضاحہ

مشکلسند عالمیہ اولادنی کوندرمک ایچون بویوک المجدابر طوبی و بصورتہ نورسیدکان معارف دائما کزیدہ عناصری محتوی بولمیدر . عکس حالہ ارباب تحصیلی جاہلرندن دھادون برسویہ اخلاقیہ بولہ حق اولان بر ملتک حال واستقبالندن هیچ بر امید بسلنہ مہمک طبیعیدر .

وظائف اسلامیہ ضروریاتہ حاجاتہ محاسن وکالاتہ طائدالمفق اوزرہ نوعی احتوا ایتیش و حقوق طبیعہ و اساسیہ دیمک اولان ضروریات شرع اسلامیہ حفظ دین ، حفظ نفوس ، حفظ نسب ، حفظ اموال ، حفظ عقل ، حفظ عرض و ناموس اولی اوزرہ تثبیت اولمشدر . ایتمہ مسلمانلرک دارالخلافہ لری اولان کندی وطنلرنده بوتون بو مراتب ثلثہ حریتہ مظهر انکشاف اولہ جقلری یرده سالت الذکر ضروریانلرندن بیله محرومیتلرینہ کیدیلرک رنجیدہ ایدلرینہ دوام اولنسی سادہ حیات و منفعت دوللہ دکل ، منفعت عمومیہ بشریہ ایلہ یلہ قابل تألیف اولماغله حکومت حاضرمدن بوفالک ازالہ سی ایچون کمال دنت و اہتمام ایلہ مکتبلرک تربیہ دینیہ و اخلاقیہ لری موفقی اولہ حق و ملتک شہہ لی نظرلرینی تصحیح ایدہ جک و ادب و حیا و وقار و عقیدہ سویہ معرفتی قدر یوکسک طلبہ و طالبات یتیشدیرہ جک مدیرلر ، معلملر ، معلملر ، مأمورلر تعیننہ رپر و غراملرینک اصلاحہ اعتنا ایتک کی امیدلر بکلندیکی بر صرہ دہ ذکور و انات دارالفنونلرینک توحیدسی دعوائی کی یکی بر مسئمتنک حد دوشنہ میدان و برسی و بونلرک بر بنا آلتندہ جمعہ رضا کوسترلمسی دارالفنونک جدی و سنی مسلمان اولادلرینہ قارشى سدینہ معادل برقرار اتخاذ ایدلش کی کورونہ رک علی العادہ قانونلرہ بیله تغییرى جائز اولہ میہ حق اولان حقوق اسلامیہ نک نظر دقتدن دور طوتمسی امید اولان بصیرت سیاسیہ مخالف بر حادثہ غریبہ دکلیدر ؟

وطنک بوتون تکالیفی یوکلہ یین و بوبایدہ هر نوع فلا کتارہ تحمل ایدن روحک قدسیتی ، قلبک تراحتی بوتون لذت نفسانیہ نک فوقندہ طانیدنی هر زمان اثبات ایتیش و بوخصلتیہ دوانک استناد کاهی بولنیش اولان اهل اسلامک مصادمات حادثات ایچندہ دائما ازایلمکدن خالی قالمیان حقوق اساسیہ سنک حمایہ و صیاتی تربیہ دینیہ و اساسات اجتماعیہ سی و بین العناصر حقوق متقابلہ سی نقطہ نظرلرندن حسن انکشافہ مظهرتی بایندہ کی آمال و تمنیات مشروعہ لری نک تنظیمی حکومتیزک اک اولاعتنا ایدہ جکی وظائف قانونیہ و شرعیہ سی تشکیل ایلدیکی کی بالخاصہ مقام جلیل شیخ الاسلاملرینک وظیفہ اساسیہ سی احکام اسلامیہ نک محافظہ و تطبیقی تکفل ایلین قانون اساسیہ کی حقوق پادشاهینک اک بویوک حصہ مسئولیتی درعہدہ ایتک مملکت و حکومتک احوال و جریان دینسی مراقبہ ایلہ ایجابنک اجرانہ نوسل ایلکم اولدیغندہ شہہ بوقدر .

بوکائنا حقائق و معالی اسلامیہ نک لشری و اخلاق فاضلہ اسلام میہ نک تعمیمی وظیفہ سیلہ مکلف اولان دارالحکمة الاسلامیہ مقصد

تأسسنہ بوسبوتون مغایر اولان حالات معروضہ حقندہ مطبوعات ایلہ تشریح حقیقی محذوردن غیر سالم کورہ رک اول امرده انات دارالفنونک ذکور دارالفنونندن بوسبوتون آیری و حتی اوزاق بر بنایہ نقندن صوکرہ تدبیرات رادارہ لرندہ آداب و بریہ اسلامیہ یه مراعات ایتدیرلمسی اسبابنک استکمالی ، نانیاً مکاتب سائرہ حقندہ دخی عینی نقطہ نظرلندن اصلاحات جدیدہ بولنلمسی ایچون مقام سامی فتاویاھیلرنجہ کرک مجلس وکلا و کرک معارف نظارتی نزدندہ تشبثات لازمہ نک وجوبی بالاتفاق متحقق کورمش ایسده اجرای ایجاب منوط رآی مفتی الانامیلریدر .

بیانات مشیختپناھی اطرافندہ

بو هفته مطبوعاتمیزی اشغال ایدن مهم مسائلدن بری شیخ الاسلام افندی حضرتلرینک بیاناتی ایدی . شیخ الاسلام افندی حضرتلرینک بیاناتی مطبوعات یومیہ مزیدہ پک درین بر تاثیر اجرا ایتشدہ چونکہ شیخ الاسلام افندی حضرتلری ، پک طبیعی اولہ رق ، مسلمانلری و مسلمانلرک نقطہ نظری مدافعہ ایتشلردر . بالخاصہ تتر علمندہ بولنہ رق مملکتک اخلاقہ قائل برضربہ ایندیرمک جالیشانلرک افشای ماهیتی صدندہ سوبلدکاری سوزلر مسلمان قادیانی اضلالہ جالیشانلرہ بونلرہ اوبانلری پک حدتندیردی . شیخ الاسلام افندی حضرتلری ، مدرسه سلطنتی جکمز ، دیرک ملت اسلامیہ نامنہ سرد مدعا ایدلرہ « قاج کیشیکز و نرہ ایسکز ؟ » دہ سوال ایتشدی . مشارالیه حضرتلری بوسؤالیلہ ، بوادعالری سردایدنلرک ملتک احتیاجات حقیقیہ سی دوشون ملتہ پک صمیمی بر خیرخواهلقہ خدمت ایدن متفکرلر زمرہ سندن ، ملتی بوکی ایشلرہ اوغراشدیرہ رق احتیاجات حقیقیہ سی اہال ایدن وایتدیرن بو ذواتک بزدن اولدیغنه اشارت بیورمشلردی . بناء علیہ بویلہ بر طاقم ساخته لرک دینمز ، دینرک اوامریہ ، حیاتمزہ فضولیانه قاریشمہ لری ، سلامت مملکتک آنحق دینی یبقمقدہ اولدیغنی ایلر و سورمہ لری ، و بوکی تشبثات بدخواهانلرینی معاصرلشمق پردہ سی آلتندہ ترویج ایتملری ، بزم و بزمہ برابر بتون مسلمانلرک هیچ بر وقت قبول ایدہ میہ جکاری ، قبولہ تنزل ایتیمہ جکاری بر شیدر . طبیعی خلغمزک دیننہ مربوطیتی ، بوه معاصرلشمق ، خجیمہ سنک آلایشنہ ، طنطنہ سنہ آلدانمامی مملکتی تعصب ایلہ اہتمام ایتیمہ وسیلہ اولیور . بو معاصرلشمش آدملر اونوتیورلرک بو ملتی تعصبہ اہتمام ایتیمک ایلک اول کندیلرینی لکلیورلر . و ایل طالعہ قارشى ملتک شرفی باعمال ایدیورلر . کندیلرینی لکلیورلر ، چونکہ شو قدر زمان مملکتک سرکارندہ قالان بر حکومت بونلرک افکارینی ترویج ایتیمکدن بشقہ برشی باعماق ، بوکی مسائل شخصیه ایلہ اوغراشمق ، وبناء علیہ ملتک احتیاجات حقیقیہ سی اہال ایتک طولانیسیلہ بونجہ فلاکتلرک وقوعنہ سببیت و پردی . مع الاسف بو ذوات بو مملکتہ